

馬海叢談

欽定四庫全書

PDG

蜀海叢談卷二目錄

麻江周詢著

制度類下

懋功五屯

邊藏六台

佐貳雜職

各局所

候補人員

舉劾獎罰

學官

武職

一

四

八

一二

二三

二四

三〇

三二

法庭

三四

土司

三六

倉穀

四〇

夫馬局

四二

三費局

四四

學田

四六

印信

四八

川漢鐵路

五〇

幕友

五五

官文書

五七

奏摺

五九

蜀海叢談卷二

麻江周詢著

制度類下

懋功五屯

乾隆四十一年，大小金川平定後，朝旨改土為屯。成都將軍明亮川督文綬奏請，就大小金川地設立五屯，並設同知一員，總理五屯屯政，駐懋功，仿直隸廳體例，逕歸成綿道管轄。其初各屯屯務員係遴委佐雜人員充任，後改派候補州縣充之。屯員專管墾種收糧等事，均定為三年一任。如於所管屯墾事務實心無誤，滿任後若係試用人員，則保歸候補班補用。若係候補班人員，同知則保俟補缺後以知府補用。州縣則保俟補缺後以同知直隸州補用。每年均定給

養廉公費以資辦公。惟缺分皆極清苦，遠遜內地州縣矣。

屯墾之人計分五種。一曰養兵，係由邊腹各營調戍各屯，即留屯墾種地畝而攜有家室者。二曰單兵，亦各營調戍屯墾之兵而無家室者。三曰屯民，係內地人民自願赴各屯領地墾種者。四曰屯練，係離谷五寨土練隨征金川，事平後給耕種者。五曰屯番，係征金川時投誠嚮化番人，平定後給地耕種者。養兵屯民屯練屯番均每戶給地三十畝。單兵每名給地十五畝。每畝年納糧七合二抄有奇。五屯墾種之地共計一十七萬五千五百餘畝，年共納糧一千二百九十餘石。惟各屯地皆山瘠，不產稻麥，所納皆係青稞、菽、豆，照數徵入屯倉後，以之搭放各屯官役口糧。此外別無徵收之款。

懋功屯，屯治在大渡河支流石門卡上游，距省八百九十里，與本管同知同城。幅員東西九十五里，南北二百五十里，與章谷屯、撫邊屯、崇化屯及鄂克土司、天全州所屬之木坪土司、打箭鑪廳所屬之明正土司等處交界。全屯養兵七十名，單兵五百零七名，屯民四百三十二戶，屯練五十戶，屯番二百三十三戶，每年共征科糧二百二十石有奇。懋功屯本小金川之美諾地，金川平後改名懋功。

章谷屯，屯治濱大渡河南岸，距省七百一十里，在懋功之東。幅員東西三百一十里，南北二百四十里，與懋功屯、崇化屯及打箭鑪廳所屬明正土司等處交界。全屯養兵二十七名，單兵七十七名，屯民一百九十七戶，屯練六十二戶，屯番三百八十一戶，共征科糧一百

三十三石三斗零。章谷屯本明正長河西魚通寧遠宣慰司所轄地。
金川平後改名章谷。

崇化屯，屯治在大金川河南岸，距省一千一百四十里，在懋功廳之西。幅員東西一百五十里，南北二百四十里，與懋功屯、綏靖屯、章谷屯等處交界。全屯養兵四十六名，單兵四百六十七名，屯民五百四十六戶，屯練四十二戶，屯番六百五十三戶，共征科糧二百五十四石九斗零。崇化屯本大金川安撫司地，金川平後並入馬爾邦噶拉依等地，改名章谷。

綏靖屯，屯治在大金川河北岸，距省一千一百一十五里，在懋功廳之西。幅員東西一百八十里，南北一百三十里，與撫邊屯、崇化屯

及綽斯甲土司黨壩土司等處交界。全屯養兵三十四名，軍兵八百二十八名，屯民九百三十八戶，屯練十六戶，屯番六百零一戶，共徵科糧三百二十七石七斗零。綏靖屯本大金川安撫司阿爾古地方，金川平後，改名綏靖。

撫邊屯，屯治在小金川河南岸，距省一千零二十里。在懋功廳之北，幅員東西二百八十里，南北三百四十里，與懋功屯、綏靖屯及沃日土司、卓克基土司等處交界。全屯養兵七十二名，軍兵四百六十八名，屯民二百五十四戶，無屯練，屯番六百九十一戶，共征科糧二百九十八石二斗零。撫邊屯本小金川土司底木達大板昭地，金川平後，改名撫邊。

五屯地方除產青稞、蕎麥外，兼產藥材，且多五金礦。屯務員設置之初，其時大難初平，僅管墾種收糧等事。然百餘年後，生齒日增，工商逐漸開發，內地人民前往謀生計者頗多，地方已較前繁榮。所有聽訟、緝捕與學等事，均由屯員辦理。迨至有清季年，雖仍名屯員，實則與邊地各縣治無異矣。

邊藏六台

乾隆十五年，珠爾默特叛變。大兵平定西藏後，自打箭鑪廳以迄後藏六千四百四十餘里中，處處扼要，設立防汛。撥川省邊腹制營官兵二千餘員，名分往戍守，均以三年為役。滿滿役無誤，以應升之階。升用。然地勢寫遠，轉餉輸糧，事極繁重。特於此六千餘里中，分設六台，專司轉運。如軍營之設糧台例。一曰裏塘，二曰巴塘，三曰察木多，四曰拉里，五曰前藏，六曰後藏。而以打箭鑪廳總其成。每年防戍邊藏官兵餉項，先由打箭鑪廳同知向藩庫具領，解回存儲廳庫，再由六台台員依時照例，向廳庫分領，轉發防戍各武員。散給六台台員，皆曰某處糧務委員，年給公費以資辦公。均以候補同通州縣充。

任以三年為任滿。任滿無誤，試用人員則保歸候補班補用。若係候補班人員，則俟補缺後，以應升之階補用，與五屯屯務員之例相同。自打箭鑪起，出南門，即為出關。出關以後，惟兩駐藏大臣可以坐轎，其餘人員均須乘馬。夫馬皆無從資雇，須由各當地土司就所管番民中徵役供給運輸。無論用人擔負，或牛馬馱載，皆曰烏拉。有如內地之馳驛，行李在打箭鑪即須打包。蓋內地箱籠不能耐烏拉之揉損，須用生牛皮包裹，到地始能解開。故各台員行至打箭鑪，因生牛皮不能驟得多張，為打包事，必須小住一二十日，乃能竣事前進。裏塘糧務委員駐裏塘，距省一千七百六十五里。在打箭鑪之西東西約六百餘里，南北約一千里，與打箭鑪廳所屬明正土司巴塘

土司寧遠府之甕水關及下膽對土司雲南之維西廳喇滾土司德爾格長坦等處交界。自打箭爐歷八日程抵此。第一日宿訂多。二日阿娘壩。三日東俄洛。四日臥龍石。五日中渡。六日西俄洛。七日火斤卡。八日裏塘。市廛數百家。漢番雜處。

巴塘糧務委員駐巴塘。距省二千三百一十五里。在打箭爐西南。

東西約六百餘里。南北約八百里。與裏塘之二郎灣。江卡屬之寧靜山。宗洛。打拉。官角。三暗巴。德爾格。忒土司及雲南所屬之西雅納。耿中橋等處交界。自裏塘歷六日程抵此。第一日宿頭塘。二日喇嘛了。三日三壩塘。四日大所塘。五日小巴冲。六日巴塘。巴塘沃野數百里。水泉環繞。風日鮮妍。為由打箭爐入藏之最膏腴地。

察木多糧務委員駐察木多其地又名噶木又名昌都距省三千五百二十五里在打箭爐西南東西五百餘里北失考與四川雲南均交界北河有四川橋南河有雲南橋即川滇所分路也寧靜山在巴塘察木多之間地名滿多為川藏分界處清雍正五年副都統鄂齊內閣學士班第四川提督周瑛勘定疆界後立碑於此曰川藏交界處自巴塘歷十四日程抵此第一日宿竹巴龍二日莽里三日古樹四日江卡五日黎樹六日石板溝七日阿足塘八日洛加宗九日午了十日昂地十一日王卡十二日巴貢十三日色墩十四日察木多有土城居民數百戶。

拉里糧務委員駐拉里距省五千二百八十五里打箭爐西南。

西五百餘里。南北失考。與大貢塘常多塘等處交界。自察木多歷十四日程抵此。第一日宿浪蕩溝。二日達寨。三日瓦合寨。四日嘉裕橋。五日洛龍宗。六日碩般多。七日巴里郎。八日拉子。九日丹達。十日郎吉宗。十一日阿蘭多。十二日甲貢。十三日多洞。十四日拉里。地有溫泉及湖。居民約數百家。

前藏糧務委員駐前藏。其地又名喇薩。按舊唐書吐蕃傳。其國都曰邏些城。邏些即唐古特語喇薩二字之轉音。又名扎什城。距省六千四百七十五里。除東接拉里外。西與後藏交界。南與奕爾交洛滿生番交界。北與青海交界。達賴喇嘛及駐藏辦事大臣幫辦大臣均駐此。為西藏之都會。居民數千家。由拉里歷八日程抵此。第一日宿

山灣二日寧多，三日江達，四日鹿馬嶺，五日烏錄江，六日墨什工卡，七日德慶，八日前藏。前藏即古之烏斯藏也。蕃語烏斯二字，切音作衛，故又稱藏衛。

後藏糧務委員駐後藏，其地有扎什倫布寺，故又名扎什倫布。距省七千三百九十餘里，在打箭鑪之西。西與廓爾喀交界。班禪額爾德尼喇嘛駐此。由前藏至此計八日程，第一日宿業囊，二日曲水，三日白地，四日浪噶子，五日熱隆，六日江孜，七日巴浪，八日扎什倫布。光緒季年，巴塘桑披以次戡定後，將川邊各土司地改土歸流，設縣二十餘處。設川邊大臣，駐打箭鑪，規畫川邊改設行省事宜。並由內地遴選合格人員，發往聽候差委。惟此二十餘縣名目，及某縣原

條某地改設，不能全記，故付闕如。又光緒三十年後，在藏之西靖西關地方，增設一同知，名靖西廳，仍歸入川省，遴員補署，距省約八千餘里。